

[Augsburg], 9. Mai 1555

An Johannes Oporinus

UB Basel, Fr. Gr. I 11, fol. 189r.

Steinmann Nr. 682.

Lit.: Husner S. 144f.; Steinmann S. 55.

S. P. D. Missis iam prioribus meis literis ad Petrum Pernam, dominus meus in mandatis mihi dedit, vt in hanc sententiam ad te scriberem. Suppeditatos tibi 300 f. ad Ziegleri opus, iam pridem fuisse numerandos. Item anno 1552. 27 Septembris 500 f., Mensis Septembris die 27 huius anni 1555 persoluendos. Anno porrò 1553 alteros 500 aureos per Iacobum Vayum te accepisse, ad 22 huius mensis Maij reddendos, quae summa conficiat f. 1300: vnde cum per me f. 180 c. 38 restitueris: debere te adhuc f. 1119 c. 22.¹ Vt autem suam erga te benevolentiam et aequitatem agnoscas: non recusare sè, quo minus syngrapham seu obligationem (vt vocant) in meliori forma pro ea pecunia huc quamprimum mittas, in qua tuo tuorumqüe haeredum nomine pollicearis, te singulis Francofordianis nondinis 100 coronatos, hoc est, florinos 150 persoluturum, et solutionem proximis autumnalibus nondiuis auspiceris, idqüe certò praestes citra longiorem moram aut vllam tergiuersationem. Haec sunt, Mi D. Oporine, quae Carini et mea pro te intercessio impetrarit, quaeqüe ego in mandatis acceperim. Quae si tibi minus commoda videbitur conditio, doleo equidem, sed plus obtinere non potuimus, neque posthac ausuri sumus dominum isto nomine appellare: ne et tibi nihil prosimus, et nobis ipsis noceamus. Vtut est, tolerabilius videtur quotannis 300 f. pendere quam vno anno 1200. vtrunque sanè difficile esse intelligo in tantis tuis diffiultatibus: sed et prudentiae et felicitatis tuae erit rationem aliquam emergendi inuenire, quam vt Deus Opt[imus] Max[imus] quam facilimam et expeditiss[imam] tibi offerat, ex animo opto. Vale. 9 Maij Anno 1555.

Hiero[nymus] Wolfius
Tuus.

Literas inclusas quamprimum Friburgum mittas oro, et responsum ab Harttungo nostro si quod acceperis, prima quaque occasione huc mittas, resignatis et lectis illius literis, vt, si Micylli filius conditionem, de qua collocuti sumus, repudiarit, de commodis nepotis tui, si tibi videbitur, agere possim. Caeterum res longam moram non patietur. Quare te (si opus fuerit) negocium maturare velim. Iterum vale.

¹Am Rand ergänzt: D. Hungerus et Nidpruckius nondum soluerunt. sed se facturos receperunt.